




საშურის მოახება



№10 (292)

12 აპრილი, ორშაბათი, 2021 წელი

საშურის მუნიციპალიტეტის საკრებულოს სხდომა

საშურის მუნიციპალიტეტის საკრებულომ საშურის მუნიციპალიტეტის დაბა სურამის გენერალური გეგმისა და დაბის ცენტრალური უბნის განაშენიანების გეგმა დაამტკიცა.

მუნიციპალიტეტის საკრებულოს სხდომაზე დადგენილების პროექტის განხილვას ესწრებოდნენ საქართველოს პარლამენტის წევრი, საშურისა და ქარელის მაჟორიტარი დეპუტატი ზაალ დუგლაძე, საქართველოს რეგიონული განვითარებისა და ინფრასტრუქტურის სამინისტროს სივრცითი დაგეგმარების დეპარტამენტის ხელმძღვანელი ნინო გვენცაძე, საშურის მუნიციპალიტეტის მერის მოვალეობის შემსრულებელი ზვიად ქურდაძე.

სხდომას უძღვებოდა საშურის მუნიციპალიტეტის საკრებულოს თავმჯდომარე მიხეილ ჯანაშიანი.

საკრებულოს წევრებს დადგენილების პროექტი წარუდგინა საშურის მუნიციპალიტეტის მერიის სივრცითი მოწყობის და არქიტექტურულ-სამშენებლო საქმიანობის რეგულირების განყოფილების ხელმძღვანელმა ლია ჯიქურაშვილმა.



იღმა. გენერალური გეგმის პროექტის ავტორმა, შპს „ურბანიკას“ დირექტორმა ირაკლი მურღულიამ მიმოიხილა გენერალურ გეგმაზე მუშაობის ეტაპები და გეგმის ძირითადი კომპონენტები.

დაბა სურამის გენერალური გეგმა გულისხმობს კურორტის ბუნებრივი პირობებისა და მინერალური წყლების გონივრულად გამოყენებას, სურამის საბავშვო კურორტის ფუნქციის აღორძინებას, ადმინისტრაციულ-საზოგადოებრივი ცენტრის კომპლექსურად მოწყობას, დაბის არქიტექტურულ-ესთეტიკური იერ-სახის გაუმჯობესებას, ქალსური სამშენებლო სამუშაოების წარმოების რისკის შემცირებას, სურამის ციხის, ასევე ებრაელთა უბნისა და სინაგოგის არსებული ტურისტული შესაძლებლობების განვითარებას, სურამის რკინიგზის სადგურის რეკონსტრუქციას, ე. წ. ბრაუნფილდის - არსებული და მიტოვებული სამრეწველო ობიექტების პერსპექტივის განსაზღვრას.

სხდომაზე სიტყვით გამოვიდა საქართველოს პარლამენტის წევრი ზაალ დუგლაძე. მან მადლობა გადაუხადა საქართველოს მთავრობას და რეგიონული განვითარებისა და ინფრასტრუქტურის სამინისტროს იმ საქმიანობისთვის, რაც საშურის მუნიციპალიტეტისა და, ზოგადად, შიდა ქართლის რეგიონის განვითარებისკენაა მიმართული. „გენერალური გეგმის შემუშავება სურამის წინსვლისთვის უმნიშვნელოვანესი ნაბიჯია, რაც საშუალებას მოგვცემს თავიდან ავირიდოთ ქაოტური განვითარება და მაქსიმალურად გამოვიყენოთ ის დიდი პოტენციალი, რაც სურამს გააჩნია - აღნიშნა ზაალ დუგლაძემ.

დადგენილებას „საშურის მუნიციპალიტეტის დაბა სურამის გენერალური გეგმისა და დაბის ცენტრალური უბნის განაშენიანების გეგმის დაამტკიცების შესახებ“ საკრებულოს წევრებმა მხარი ერთხმად დაუჭირეს.



საქართველოს მთავრობის ადმინისტრაციის რეგიონებთან ურთიერთობის დეპარტამენტის ხელმძღვანელმა ლერი ბარნაბიშვილმა შიდა ქართლის რეგიონში სამუშაო შეხვედრა გამართა

შეხვედრას შიდა ქართლის სახელმწიფო რწმუნებული მამუკა სადარეიშვილი, რწმუნებულის მოადგილეები, მუნიციპალიტეტის მერები და საკრებულოს თავმჯდომარეები დაესწრნენ. ლერი ბარნაბიშვილმა, რეგიონის პირველი პირებთან ერთად, ოთხივე მუნიციპალიტეტის პრიორიტეტული საკითხები გა-



ნიხილა. ასევე, შეხვედრაზე ყურადღება გამახვილდა მიმდინარე და დაგეგმილ პროექტებზე, როგორც ინფრასტრუქტურის, ისე სოციალური და ეკონომიკური მიმართულებით. დეპარტამენტის ხელმძღვანელმა საშურისას ხაზი გაუსვა ადგილობრივი თვითმმართველობის მხრიდან მოსახლეობასთან მჭიდრო კომუნიკაციის მნიშვნელობას. მისი თქმით, თითოეული პროექტის დაგეგმვისას გათვალისწინებული უნდა იყოს ადგილობრივების მოსაზრებები და განსახორციელებელი პროექტები სწორედ მათ საჭიროებებზე უნდა იყოს მორგებული. „დღევანდელ შეხვედრაზე ცენტრალურ და ადგილობრივ ხელისუფლებას შორის მჭიდრო თანამშრომლობის მნიშვნელობაზე ვიმსჯელებთ, ჩვენი მიზანია, რომ რეგიონები ეკონომიკური თუ ინფრასტრუქტურული მიმართულებით კიდევ უფრო განვითარდნენ და გაძლიერდნენ. შესაბამისად, ჩვენი ერთობლივი მუშაობა და მჭიდრო თანამშრომლობა ამის საშუალებას მოგვცემს“ - აღნიშნა ლერი ბარნაბიშვილმა.

როგორც მთავრობის ადმინისტრაციის რეგიონებთან ურთიერთობის დეპარტამენტის ხელმძღვანელმა აღნიშნა, სამუშაო შეხვედრებს საქართველოს ყველა რეგიონში გამართავს.

მაჟორიტარი დეპუტატი მოსახლეობას ხვდება

საშურისა და ქარელის მაჟორიტარი დეპუტატი ზაალ დუგლაძე სურამში, თავაიშვილის ქუჩაზე მცხოვრებ მოსახლეობას შეხვდა.

ადგილობრივებთან ერთად განიხილა მიმდინარე პროექტი, რომელიც დაბა სურამში აღნიშნული ქუჩის მოასფალტების სამუშაოებს ითვალ-



ისწინებს.

პროექტის ღირებულება შეადგენს 187 649,41 ლარს.

სამუშაოების დასრულების ვადაა 91 კალენდარული დღე.

პროექტი ითვალისწინებს არსებული დაზიანებული კიუვეტების დემონტაჟს, არსებული ლითონის ცხაურის დემონტაჟს, ელ. გადამცემი ბოძების დემონტაჟს, გადასატანი ბოძების დაყენება და სხვა.

შეხვედრისას, დეპუტატმა და ადგილობრივებმა სხვა პრობლემატურ საკითხებზეც იმსჯელეს.

- კოლემიკა -

მადლიერება თუ უმადურობა?!

ასაკის მატებასთან ერთად, ადამიანი სულ უფრო მეტად აკვირდება გარშემო მყოფთა ქცევებს, ქმედებებს, სიტყვა პასუხს, სიავით, სიბოროტით, თუ სიკეთითა და უანგაროდ გაკეთებულ და გაუკეთებელ საქმეებს.

ასევე ვარ მეც, რომელსაც, განვლილი ცხოვრების მანძილზე, არც თუ ცოტა მიშრომია და შეიძლება ითქვას, ერთი აგური მაინც მაქვს დადებული ჩვენი ქვეყნის გაძლიერების საქმეში.

ბავშვობიდან მოყოლებული (მნიშვნელოვანი წლები ხაშურში მაქვს გატარებული), თითქმის სიბერემდე, უფალმა ბევრ ადამიანს შემახვედრა, მათგან ბევრი რამ ვისწავლე და ბევრი რამ გავიგე, ადამიანს თვალი და ყური იმიტომაც აქვს, რომ, პირველ რიგში, კარგი დაინახოს, კარგი მოისმინოს, დასკვნები გააკეთოს, სხვის შეცდომებზე ისწავლოს, მადლიერი იყოს იმით, რაც აქვს, რაც უანგაროდ ვინმემ გაუკეთა.

ცუდა და უარყოფითი კრიტიკული თვალით შეხედოს, დაგმოს ის, რაც დასაგმობია. მაგალითი მისცეს გარშემომყოფთ, განსაკუთრებით მოზარდ თაობას, რომ კარგი ცხოვრება მარტო ფულსა და სიმდიდრეში არ არის, ვულგარული ქცევები და სიბოროტე, უარყოფითი ზნე-ჩვეულებები,



უმადურობა ნებისმიერ ადამიანს, როგორც პიროვნებას, აკნინებს, უზაროს ხდის მის ამ ქვეყანაზე არსებობას.

თუ არა და უფალმა, რატომ მოავლინა ადამიანი ამ ქვეყანაზე? რატომ დგას ადამიანი განვითარების უფრო მაღალ დონეზე, ვიდრე ნებისმიერი ცხოველი? ამას ხომ ცნობილმა ინგლისელმა მეცნიერმა ჩ. დარვინმა გასცა ზუსტი და ამომწურავი პასუხი! ჩვენ კი ისღა დაგვრჩენია, რომ ბავშვობიდან მოყოლებული ვისწავლოთ ადამიანური ცხოვრება. ვისწავლოთ, პირველ რიგში, ადამიანის პატივისცემა, ვისწავლოთ აზრიანი შრომა, გვექონდეს მადლიერების გრძნობა. არ დავუკარგოთ ადამიანს სიკეთის კეთების სურვილი.

ყოველივე ზემოთ ნათქვამი იმის პრელუდიაა, რომ სურვილი ერთია, მაგრამ ცხოვრებაში, პრაქტიკულად, განსხვავებული ფაქტები გვხვდება და სწორედ ამ ხარვეზის გამოსწორებისათვის უნდა ზრუნავდეს ადამიანი.

აბა, დავაკვირდეთ ჩვენს ირგვლივ არსებულ რეალურ სიტუაციებს. რამდენ უმსგავსობებს ვხვდებით ჩვენს ყოველდღიურ ცხოვრებაში, რამდენი უმადური დადის ამ ქვეყანაზე?! რამდენი წამლავს თავისი ბილწისიტყვაობით სიკეთის მკეთებელ ადამიანს და ა. შ.

მიუხედავად იმისა, რომ განათლების ასე თუ ისე აწყობილი სისტემა გვაქვს (სკოლამდელი, სასკოლო, პროფესიული, უმაღლესი და სხვა), უმეტესად, ყველგან მხოლოდ სპეციალისტის აღზრდაზე ზრუნავენ. (თუმცა აქაც საკითხავია, როგორია მომზადებული სპეციალისტების ხარისხი) „მაგრამ რა არის ქართული ცხოვრების წესი, სამშობლოს ფენომენი, სამშობლოს სიყვარულის ქართული განცდა, მამულზე მიჯაჭვულობა და მისთვის თავდადება, ამის სწავლებაზე არც ოჯახში, არც ნებისმიერი დონის სასწავლებელში არავინ ფიქრობს და არავინ ზრუნავს,“- წერს პროფესორი ვაჟა შუბინიძე გაზეთ „ასავალ-დასავალში“ და იქვე ხაზგასმით მიუთითებს, რომ განათლების სისტემაში არსებულმა პრობლემებმა და ხარვეზებმა ბევრი უარყოფითი შედეგი მოგვცა. კერძოდ, ჩვენი ერის დასუსტებით ანტიქართულმა ძალებმა, ჩვენმა ისტორიულმა მტრებმა ისარგებლეს და ცდილობენ, ერს თავს მოახვიონ საეჭვო ღირებულებები - ერთსქესიანთა ქორწინება, ეგოისტური და უპასუხისმგებლო ცხოვრების წესი, აღვირახსნილობა და სხვა.

თუ არა და ბავშვის, მოზარდის, ახალგაზრდის აღზრდის სისტემაში დამუშავებული შეცდომები განაპირობებენ ჩვენს წერილში წამოჭრილი საკითხების „მადლიერება და უმადურობა“, არსებობას თუ არ არსებობას თვითოეული ადამიანის ცნობიერებაში.

ხაზგასმით უნდა აღინიშნოს, რომ მადლიერება, მადლობა, წმინდა ქართულია, იგი ასეა განმარტებული ქართული ენის განმარტებით ლექსიკონში.

მადლიერება - მადლობის გრძნობა გულწრფელი, მადლობა - დაფასება ვისიღე სასიკეთო ან სასურველი მოქმედებისა, კმაყოფილების განცდა ამის გამო.

აქვე, ალბათ საჭირო იქნება სიტყვა „უმადურის“ - განმარტებასაც გავეცნოთ. - ვინც ვისმე მადლს, სიკეთეს არ აფასებს, ვინც ვისიძე (რისიძე) მადლიერი არ არის.

თუ როგორი გზა უნდა აირჩიოს ადამიანმა, მკითხველისათვის მიმინდვია. მაგრამ ჩემი არჩევანი ყოველთვის მადლიერებისაკენ იხრება და ცფიქრობ, ჩემმა არჩევანმა რეალურად გაამართლა, რამე თუ ჩემში მადლიერების მომეტებულმა დოზამ მორალურად ძალზე მდიდარი გამხადა, შევიძინე არაერთი ძვირფასი ადამიანი, რომლებიც უანგაროდ მედგნენ გვერდში, გამოხატავდნენ კმაყოფილებას ჩემი ქცევის, კეთილსინდისიერი შრომის თუ ცოდნის გამოქვეყნების თაობაზე.

ცხოვრებულმა მშობლებმა, მამიდამ, დეიდებმა, ბიძებმა ბავშვობიდანვე

ჩამინერგეს მოყვასის პატივისცემა, სიკეთის დანახვისა და დაფასების უნარი და მიუხედავად იმისა, რომ ეკონომიკურად არც თუ ძლიერი ოჯახიდან ვიყავი მონდომებული სწავლით, უფროსებისადმი პატივისცემის გრძნობით სიკეთის, ამავსი დანახვით, გზა გავიკაფე და სხვაზე ნაკლები მდგომარეობისათვის არ მიმიღწევია.

ყოველივე აღნიშნულს იმიტომაც ვუსვამ ხაზს, რომ პირადად ჩემს მიმართაც ქონდა ადგილი უმადურობის არაერთ ფაქტს. ჩემი სამსახურეობრივი მდგომარეობის გამო, არა ერთი ადამიანისთვის გამიწევია თანადგომა, სამსახურში მოწყობა იქნება ეს, ფინანსური თუ ფიზიკური დახმარება, მორალური მხარდაჭერა და ა.შ. მაგრამ შეაყარე „კედელს ცერცვი“, „კოვასა შიგან რაც არის, იგივე გადმოდინდების“.

რა ვქნათ? არ უნდათ სიკეთის დანახვა, არ უნდათ ვინმეს მადლიერნი იყვნენ, იმას ვერ ხვდებიან, რომ ასეთი ქცევით, თავისსავე თავს აყენებენ ზიანს. ასეთ ადამიანებს არავინ ასწავლა, არც ოჯახში, არც სკოლაში, არც უმაღლეს სასწავლებელში, რომ სიკეთეს სიკეთით უნდა უპასუხო, თუ ადექატურად ვერ მოიქცევი. სიკეთე რომ მიიღე და პრაქტიკულად გაიუმჯობესე შენი ცხოვრება, მადლობა მაინც თქვი, მადლიერი მაინც იყავი.

სამწუხაროა იმის აღნიშვნა, რომ ზემოთაღნიშნული თვისებების მატარებელი, უფრო მეტად ე.წ. „განათლებლა“ მიღებულთა შორის უფრო მეტია, ვიდრე საზოგადოების იმ ფენებში, რომელთაც უმაღლესი სასწავლებლის კარი არც კი შეუღიათ.

საბჭოთა პერიოდში, ყველა სტატისტიკური მონაცემებით, საქართველოს მოსახლეობა საბჭოთა კავშირში კი არა, მთელ მსოფლიოში ერთ-ერთ მოწინავე ქვეყნად ითვლებოდა ყველა დონის განათლების მქონე მოქალაქეთა შორის, ასევე წარმოჩენილი ვიყავით როგორც ყველაზე წიგნიერი ერი (ალბათ გაყიდული წიგნების მიხედვით). რა თქმა უნდა, ყველა კმაყოფილი იყო ასეთი შეფასებების და სტატისტიკური მონაცემების გამო, მაგრამ მართლა ასე ვიყავით და ვართ? რა თქმა უნდა, არა და ამის არაერთი მაგალითის მოყვანა შეიძლება.

პირველ რიგში უნდა ითქვას ის, რომ ამა თუ იმ სასწავლებელში მიღებული დიპლომი ან შეძენილი მრავალი წიგნი, არ იძლევა იმის თქმის უფლებას, რომ ესა და ეს ადამიანი კულტურული და განათლებულია, ან წიგნიერია.

მიმოვიხედოთ ირგვლივ, ობიექტურად შევაფასოთ რეალობა და დავინახავთ, რომ „დიპლომიანთა“ და „ბევრი წიგნის“ მფლობელთა შორის ძალზე ცოტაა მართლაც განათლებული, წიგნიერი ადამიანი, რომელთაც შეუძლიათ მხარი აუბან თანამედროვეების გამოწვევებს, აითვისონ ახალი ტექნოლოგიები, შეძლონ თავისი აზრის ჩამოყალიბება, იმსჯელონ აქტუალური საკითხების ირგვლივ და ა.შ.

სამწუხაროდ, ზემოთაღნიშნული კატეგორიის ადამიანები კონკრეტულ შემთხვევაში ვერ ავლენენ არამც თუ ვითომ მიღებულ „ცოდნას“, არამედ წერა-კითხვაც კი უჭირთ. ამის არაერთი მაგალითი მაქვს საჯარო სამსახურში რამდენიმე ათეული წლის გამოცდილების საფუძველზე, როცა ე.წ. „განათლებული“ მოქალაქე, ელემენტარულად ვერ აზროვნებს, განცხადებას ვერ წერს და ა.შ.

ასეთ ადამიანებს, როგორ უნდა მოსთხოვო მადლიერების გრძნობის ქონა, ისინი ხომ ყველას და ყველაფერის მიმართ მხოლოდ მომთხოვნელობით, მომხვეჭელობით გამოირჩევიან და არაფრად მიაჩნიათ წესიერება, უბრალოება,

ა და ა მ ი ა ნ ი ს ა დ მ ი ყურადღების გამოჩენა, სიკეთის დანახვა, სიკეთის მთესველთა არა მარტო დანახვა, არამედ დაფასება, რომ არაფერი ვთქვათ მათ მიერ სიკეთის კეთებაზე.

სამწუხაროდ, ზემოთ აღნიშნულზე საუბარი უსასრულოდ შეიძლება.

თუმცა ერთი უთუოდ უნდა ითქვას: ადამიანი პირველ რიგში ოჯახში უნდა აღიზარდოს. პიროვნების ჩამოყალიბებაზე უთუოდ დიდ გავლენას ახდენს გარემოც, საზოგადოებაც.


სკოლამდელი და სხვადასხვა დონის თუ ტიპის სასწავლებელიც, მაგრამ მარტო წრთვნაც არ იძლევა შედეგს, თუ ბუნებამაც არ მისცა მას პიროვნებად ჩამოყალიბების საშუალება.

ერთი სიტყვით, სათაურში გამოტანილ კითხვას „მადლიერება თუ უმადურობა“, ერთგვაროვან პასუხს ვერ გაცემ, იგი მხოლოდ კომპლექსური განხილვის საგანია და თუ ვინმეს დააფიქრებს ჩემი ნააზრვეი და რაიმე სახით გამოხმაურება მოჰყვება, თუნდაც კრიტიკის სახით, მადლობის მეტი რა მეთქმის.

საზოგადოებამ, თუ გვინდა მისი რიგები სრულყოფილმა ადამიანებმა შეავსონ, თვითონვე უნდა იზრუნონ მათ აღზრდაზე, მათ კეთილგონიერებაზე, წმინდა უბრალო ადამიანების ჩამოყალიბებაზე, რომ განათლება ან თანამდებობა თუ გაქვს, იმას არ ნიშნავს, ვინმეს ზემოდან უყურო, პირიქით კი უნდა იყოს თუ საკმარისი ცოდნა გაქვს, თუ წიგნიერიც ხარ და კულტურულიც, ეცადე შენს გარშემომყოფთ პირადი მაგალითი მისცე კეთილგონიერებისა, პატიოსნებისა, კულტურული უნარჩვევებისა, მუდმივად სწავლისადმი სწრაფვისა, მადლიერების გრძნობის გაღვივებისა, უმადურობის უარყოფისა და ა. შ.

ბრძენ კაცს უთქვამს, „სიკეთე ჰქმენ, ქვაზე დადე, გაივლი და წინ დაგხვდება“, - ამ პრინციპს თუ ვაზიარებთ ადამიანებს, მითუმეტეს მოზარდ თაობას, შედეგს აუცილებლად მივიღებთ, თუ არა და მერე გვიან იქნება თავის ხელში წაშენა და ვიშვიში „ეს რა თაობა მოდისო“.

თემურ ხუხუნაიშვილი, საქართველოს დამსახურებული ჟურნალისტი



- წინასწარმეტყველების ხალხური ნიშნები - ნასესხები -
**რაცომ ისესხა მარტმა აპრილისგან
 დღეები და როგორი ამინდია
 მოსალოდნელი მომდევნო 5 დღის
 განმავლობაში**

ხშირად გაიგონებდით მარტის ნასესხები დღეების შესახებ. აპრილის ეს პერიოდი გამოირჩევა სიცივითა და ტემპერატურის ხშირი ცვალებადობით. ხალხურ თქმულებებში, არსებობს ერთი ძალიან სვედიანი ისტორია იმის შესახებ, თუ როგორ და რა მიზნით ისესხა მარტმა აპრილისაგან დღეები:

უხსოვარ დროში, იყო ერთი დედაბერი, რომელიც, ცხვრის ფარასთან ერთად, მარტო დარჩა. ცხვრები საკუთარი შვილებივით უყვარდა და უვლიდა. გარეთ ზამთარში არ გამოდიოდა. თავის ფარასაც ბაკიდან არ უშვებდა. ეშინოდა, ასეთ ამინდში ქარს არ გაეტაცა.

ერთხელაც, ძალიან ცივი ზამთარი დადგა, ხანგრძლივ ყინვას კი ცხვრები ვერ გადაიტანდნენ. როგორც იქნა, გაზაფხული დადგა. ბუნება გამოცოცხლდა.

დედაბერმა მარტს უსაყვედურა, რომ დიდხანს ალოდინა, ცხვრები არ შეიცოდა და სიცივით გათოშა. მარტს ეს გააკიცხვა ეწეინა და გადაწყვიტა, კატალონიის პირენეის მთებში დარჩენილიყო და დედაბრისთვის სამაგიერო გადაეხადა. მაგრამ რას იზამდა მაშინ, როცა მისი ძმა აპრილი კარის ზღურბლთან იდგა. მაშინ მარტმა აპრილს უთხრა: „აპრილო, ძალიან გთხოვ, შენი სამი დღე მასესხე, აქ საქმეები დაუმთავრებელი მაქვს!“ – აპრილი დაეთანხმა. მარტმა მისი სამი დღე ისესხა. ისე აცივდა, თითქოს იანვარი მობრუნდა. ქარმა დედაბრის ნახევარი ფარა გაფანტა, მეორე ნახევარი თოვლით დაფარა. დედაბერს ერთი ცხვარიც დაარჩა. სახლში მალავდა, კერასთან ათობოდა, მაგრამ მარტს აჯობებდა? და დედაბერს უკანასკნელი ცხვარიც მოუკვდა. მარტის აპრილისაგან ნასესხები დღეებიც დამთავრდა.

დედაბერმა ასეთ დარდს ვეღარ გაუძლო, დაიძინა და ვეღარ გაიღვიძა. კატალონიის პირენეებში ამ დღეებს ახლაც „დედაბრის დღეებს“ ეძახიან.

ისტორია მართლაც რომ სვედიანია, თუმცა არანაკლებ სვედიანი, ნაცრისფერი და წვიმიანია დღეები უახლოესი ამინდის პროგნოზით ხაშურში, მით უფრო რომ წინ კიდევ ე. წ. „ნასესხები“ დღეები გველის 14, 15 და 16 აპრილი. სხვა რა გზაა და აპრილის ნასესხები დღეების თავშესაქცევად ამინდზე ცხოველთა ქცევის მიხედვით დაკვირვებებს გთავაზობთ, რაც ხალხური თქმულებებით გადმოგვცემია. მით უფრო, რომ როგორც გვირჩევენ, ამინდის პროგნოზირების მიზნით, სასურველია, ამინდის წინასწარმეტყველების ხალხური ნიშნების გათვალისწინებაც.

მაშ ასე: - თუ კატა მოკუნტულია - ყინვა იქნება, თუ ზურგზე წვეს - დარი, თუ მაგრად სძინავს - სითბო, თუ კედელს ფხაჭნის - ავდარი.

- თუ ნახირი ჯგუფად გროვდება, წვიმა წამოვა.
- თუ ციფვი ბევრ კაკალს იმარაგებს, ცივი ზამთარია მოსალოდნელი.
- თუ თხუნელები მიწიდან ამოდინან - მიწისძვრას ელოდე.
- ცხოველები ზურგით რომელ მხარესაც დაწვებიან, ქარიც იქიდან დაუბერავს.
- თუ ქათმებს ადრე შემოდგომაზე დაეწყოთ ბუმბულის ცვენა, თბილი ზამთარი დადგება.
- ღორი სითბოს წინ იფხანს, ავდრის წინ ჭყვირის.
- თუ გაზაფხულზე კურდღლებს დიდხანს არ სცვივით ბეწვი, ცივი ამინდები გაჭიანურდება.
- თუ წაბლის მოსავალი ბევრია, ცივი ზამთარია მოსალოდნელი.
- ფური თუ მიწაზე დაწვა, თბილი ამინდი იქნება.
- თუ ფროთონები ბუდეს ხეების მზიან მხარეზე აკეთებენ, გრილი ზაფხული ელოდე.
- თუ ნახირი ცოტა წყალს სვამს და დღისით სძინავს - წვიმის ნიშანია.

მაშ ასე: წინ ნასესხების დღეებია, მაგრამ არ უნდა შეგვეშინდეს. ამ დღეებში ხუთშაბათიც ურევია (15 აპრილი) და თუ ისევ ხალხურ ნიშნებს დავუჯერებთ, ალბათ გამოიხუთშაბათებს და მზიანი ამინდი იმძლავრებს.



**სოფელ რუსაან-
 თუბანში ბეტონ-
 ნის გზის დაგების
 სამუშაოები
 დაიწყო**

პროექტი, რომლის ღირებულებაც 818 384 ლარს შეადგენს, ორ ეტაპად განხორციელდება, მისი დასრულება 2022 წელს იგეგმება.



რეაბილიტირებული გზა 200-ზე მეტ ადგილობრივსა და დამსვენებელს მოემსახურება.



სამუშაოებს ტენდერში გამარჯვებული კომპანია „ჰედევ ჯორჯია“ ასრულებს.

დუმაცხოვში, მონასტერსა და ქინძათში გზების რეაბილიტაციის პროექტები ხორციელდება

მიმდინარე სამუშაოები მერის მოვალეობის შემსრულებელმა ზვიად ქურდაძემ, მერის მოადგილე ზურაბ როსუბაშვილმა და მუნიციპალიტეტის მერიის ეკონომიკური განვითარების სამსახურის წარმომადგენლებმა დაათვალიერეს.

დუმაცხოვში გზის მოასფალტების სამუშაოები მიმდინარე წლის ზაფხულში დასრულდება. რეაბილიტირებული გზით 200-ზე

მეტი ადგილობრივი და სოფლის სტუმარი ისარგებლებს. პროექტის ღირებულება 707 ათასი ლარ-



ია. პროექტი ადგილობრივი და სახელმწიფო ბიუჯეტის თანადაფინანსებით ხორციელდება.

მიმდინარე წლის ზაფხულშია დაგეგმილი სოფელ მონასტერში ბეტონის გზის დაგების სამუშაოების დასრულებაც, რომლით სარგებლობასაც 300-ზე მეტი ადგილობრივი და დამსვენებელი შეძლებს. პროექტის განხორციელებლად ადგილობრივი და სახელმწიფო ბიუჯეტიდან გამოყოფილი თანხა 559535 ლარია.

814 998 ლარი დაიხარჯება სოფელ ქინძათში გზის მოასფალტების პროექტის განხორციელებლად. პროექტი ორწლიანია. მისი განხორციელების შედეგად სოფელ ქინძათში მცხოვრები 300-ზე მეტი ადამიანის გადაადგილების პირობები გაძვირდება უსაფრთხო და კომფორტული გახდება. პროექტის დაფინანსების წყარო ადგილობრივი და სახელმწიფო ბიუჯეტია.

**სოფელ სავანისუბან-
 ში სოფლამდე მისასვლელი გზის რეაბილიტაციის პროექტი ხორციელდება**

პროექტის ფარგლებში გზის მოასფალტების სამუშაოები მიმდინარეობს.

მოასფალტების სამუშაოების ღირებულება 674 229 ლარია. პროექტს ტენდერში გამარჯვებული კომპანია „დინ გრუპი“ ასრულებს.

პროექტის დასრულება მიმდინარე წლის ზაფხულისთვის იგეგმება. შედეგად, 400-ზე მეტი ადგილობრივისა და დამსვენებლის გადაადგილების პირობები გაცილებით უსაფრთხო და კომფორტული გახდება.

პროექტის დაფინანსების წყარო ადგილობრივი და სახელმწიფო ბიუჯეტია.



- დ ი უ დ ო -

თემურ ნოზაძე - ხაშურის საჭიდაო სკოლის ღირსეული წარმომადგენელი

ოქროს მედლით დაასრულა, ცოტა ხნის წინათ, თბილისში გამართული გრანდ სლემი ახალგაზრდა ძიუდოისტმა თემურ ნოზაძემ. გრანდ სლემი, მოგეხსენებათ, მეტად პრესტიჟული შეჯიბრებაა ძიუდოში, ნოზაძეს კი უკანასკნელ ორ წელიწადში ორი ვერცხლის (ბაქოში 2020 წელს, თელ ავივში 2021 წელს) და ერთი ბრინჯაოს (პარიზში 2019 წელს) მედალი ჰქონდა მასზე მოპოვებული. გარდა ამისა, ზედიზედ ორი წელიწადი ნოზაძემ ევროპის 23 წლამდელთა ჩემპიონატზე ჯერ ბრინჯაოს, მერე ვერცხლის მედლები დაისაკუთრა. ლოგიკურად ყველა გზა ოქროსკენ მიდიოდა და ასეც მოხდა.

თემურ ნოზაძე ხაშურის საჭიდაო სკოლის აღზრდილია, თუმცა ბოლო წლებში, გორის გურამ პაპიტაშვილის სახელობის დარბაზში მეცადინეობდა. ამ ქალაქის საყოველთაოდ აღიარებული ძიუდოს კერა და



ტრადიციები კარგად წაადგა იმედისმოცემ სპორტსმენს და ყოველ მომდევნო წელს, ის, სულ უფრო უკეთეს შედეგებს აღწევს.

თემურთან ინტერვიუ, თბილისის გრანდ სლემის შესახებ საუბრით დავიწყეთ.

- ეროვნული ნაკრები, გრანდ სლემისთვის თბილისში ემზადებოდა. ნაყოფიერი შეკრება გავიარეთ, თავადაც კარგ ფორმაში შევედი და უშუალოდ შეჯიბრების დღესაც ვგრძობი, რომ ოპტიმალურ ფორმაში ვიყავი. საბედნიეროდ, შესაძლებლობებიც კარგად გამოვაფიქრე და საბოლოო გამარჯვებაც მოვიპოვე.

- ზოგადად, გრანდ სლემზე, ოქროს მედალთან ახლოს იყავი. აქამდე სამჯერ აიღე ამ რანგის შეჯიბრებაზე სხვადასხვა სინჯის მედალი. ახლა კი ოქროს მედალსაც დაუფლეთ...

- დიახ, აქამდე გრანდ სლემებზე ორი ვერცხლის და ერთი ბრინჯაოს მედალი მქონდა მოპოვებული. პირველად, ბრინჯაო ავიღე, პარიზში 2019 წელს. მაშინ კარგ ფორმაში ვიყავი, მაგრამ ფინალში გადასავლელში იაპონელი ტაკატო შემხვდა და მაჯობა. დასანანი იყო ბაქოს და თელავის გრანდ სლემების ვერცხლის მედლები, როცა მართლაც ერთი ნაბიჯი დამაკლდა წარმატებამდე. საბედნიეროდ, ნავსი გავტეხე და აგერ ოქროსაც შევწვდი.

- თემურ, თბილისის ტატამზე 5 მოგებული შეხვედრიდან 3-ჯერ აზიულს სძლიე. მათი უპირატესობა, უფრო ფიზიკური სიძლიერეა, როგორ ფიქრობ, რის ხარჯზე აჯობე ამ მოწინააღმდეგეებს?

- დიახ, ამ გრანდ სლემზე უზბეკ, ყაზახ და მონღოლ ძიუდოისტებთან მომიწია პაექრობა. გამოვარჩევი, მონღოლ მეტოქეს არიუნბოლდ ენხტაივანს, რომელიც გრანდ სლემის წინ ერთობლივი წვრთნებისას თბილისში იყო და უშუალოდ ვიჭიდავეთ რამდენჯერმე. მისი დამარცხება, ვარჯიშებზეც გამოჩნდა რომ ძალიან რთული ჩანდა, სიმართლე გითხრათ, არ მინდოდა კენჭისყრისას ჩემს ბადეში მოხვედრილიყო, მაგრამ შეჯიბრების დაწყების დღეს, ბადეები რომ გამოქვეყნდა, ვნახე, რომ ორი მოწინააღმდეგის გადალახვის შემთხვევაში, მესამე მეტოქედ ის მეყოლებოდა. ორი ეტაპი, მართლაც ორივემ წარმატებით გავიარეთ და ერთმანეთსაც შეხვდით. პირდაპირ გეტყვით, ჩემი ფიზიკური მომზადება მასთან არაფერი იყო, თუმცა გამოსავალი ყოველთვის არსებობს და მეც ტექნიკის ხარჯზე მოვახერხე მონღოლის ჩამოცილება გზიდან - ვაზარს ვაგებდი, რომელიც გავკვიეთ და ოქროს დროში გადასვლისას, გამარჯვების გდებაც შევასრულე.

- ფინალში გადასასვლელი, ნიდერლანდების ნაკრების ქართველ წევრ თორნიკე ჭკადუასთან მოვიწია, რომელთანაც, ამავე დროს, რევანში გქონდა ასაღები.

- ერთი წლის წინ, დიუსელდორფის გრანდ სლემზე წავაგე თორნიკე ჭკადუასთან. იქაც 7-8 წუთი ვიჭიდავეთ. ვფიქრობ, რომ იმ მარცხში მსაჯებმა უარყოფითი როლი ითამაშეს. არ ვიყავი მაშინ წაგების დირსი. ჩვენი შეხვედრა ახლაც არ იყო იოლი. თორნიკე ნამდვილად უხერხული მოწინააღმდეგეა, ძალიან ელასტიურია, მასთან წამოწყებული თითქმის ყველა ილეთისას, როდესაც მგონებია რომ დავაგდე და ავუღე მეტეტი ქულა, რაღაცნაირად მაინც ახერხებს ხოლმე თავის დაღწევას. ამჯერადაც ასე ხდებოდა, მაგრამ ოქროს დროს, მესამე წუთზე, წარმატებით დავასრულე ჩემი წამოწყებული ილეთი და გამარჯვებთან ერთად, რევანშიც ავუღე.



- და ფინალი, სადაც აკრძალული ილეთისთვის მოხსნეს შენი მოწინააღმდეგე უზბეკი ქერმან ნურილაევი და გამარჯვება მოგანიჭეს.

- ნურილაევიც ძლიერი სპორტსმენია. სხვათაშორის, მასთანაც რევანშის აღება მომიწია თბილისში (თემურმა 2019 წელს ბუდაპეშტის გრან პრიზე წააგო ნურილაევთან - ვ.ბ.). მსაჯებმა, ის ამჯერად აკრძალული ილეთის გამო მოხსნეს შეჯიბრებიდან, მაგრამ მე კარგად მიმეყვანა შეხვედრა, საკმაოდ მოტივირებული და მოსაგებად განწყობილი ვიყავი, ამიტომ მჯერა, რომ ამ შეხვედრას მაინც მოვიგებდი.

- თემურ, ყველა მოგებული შეხვედრის შემდეგ, თითო ტრიბუნებისკენ ანიშნებდი - ალბათ, ვილაცას უძღვნიდი ამ გამარჯვებებს.

- ტრიბუნებზე, ჩემი ოჯახის წევრები ისხდნენ. იქ იყო ჩემი ძმა და ყოველი გამარჯვების შემდეგ, მას მივმართავდი გახარებული. საერთოდ კი, ამ გრანდ სლემზე წარმატებას ბიძაჩემს - აწვარდაცვლილ ვიტალი ნოზაძეს ვუძღვნი, რომელმაც დამაწვებინა ჭიდაობა, გვერდით მყავდა ყველა შეჯიბრებზე, თუ მომზადების პროცესში - ვიდრე ცოცხალი იყო. მისი დიდად მაღლიერი ვარ. ამიტომ, ყველაფერი, რასაც მივაღწიე, მისი დამსახურებაა და თუ რამეს მივაღწიე მომავალში, სწორედ ბიძაჩემს, მის ხსოვნას მინდა მივუძღვინა.

- მწვრთნელებმა რა შეფასება მოგცეს გრანდ სლემის შემდეგ?

- მწვრთნელები მუდამ მეუბნებოდნენ, რომ ძალიან ემოციურად ვუღებოდი ყველა მარცხს და ასე არ შეიძლებოდა. ახლა, ყველაფერი ბევრად დალაგებული მაქვს, დავმშვიდდი და როგორც იტყვიან ხოლმე, ცოტა უფრო დავღვინდი. მწვრთნელები სულ მეუბნებიან, რომ როცა მშვიდად ვარ, ყველაფერი უკეთ გამომდის და შესაბამისად, მეც ასე ვიქცევი.

- ბოლოს, შენი წონითი კატეგორიის შესახებაც ვთქვათ. საქართველოში 60 კგ ერთ-ერთი ყველაზე უფრო კონკურენტული წონაა. აქ, შენს გარდა, არიან, ლუხუმ ჩხვიამიანი, ძმები ამირან და ჯაბა პაპინაშვილები...

- მეტსაც გეტყვით, მე ვფიქრობ, რომ საქართველოს ნაკრებში, დღესდღეობით, ყველაზე უფრო დიდი კონკურენცია სწორედ 60 კგ-შია და რა თქმა უნდა, ეს კარგიცაა.

- უახლოეს შეჯიბრებაზე სად შეგვიძლია გიხილოთ?

- თბილისის გრანდ სლემის მოგებამ, მომავლებინა ევროპის ჩემპიონატის საგზური და ახლა სწორედ იქ ვიასპარეხებ. ევროპის ჩემპიონატი 16-18 აპრილს პორტუგალიაში გაიმართება.

ვასილ ბალახაძე



ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი ვიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. P-ით მონიშნული სტატია იბეჭდება დაკვეთით გაზეთი იბეჭდება თბილისში.